



Publicaziuns dalla vischnaunca, jamna 17

Damondas da baghegiar

2018-1018.000

Datum dalla publicaziun: 27 d'avrel 2018

Il patrun: Carla e Martin Flury-Nay, Via Buretsch 12, 7186 Segnas
Il representant: huonder bisquolm architects sa, Via da Scola 18, 7180 Disentis/Mustér
Object: Sanaziun ed engrondaziun d'ina habitaziun en casa sin parcella 2223, Via Buretsch 12, 7186 Segnas

2018-1019.000

Datum dalla publicaziun: 27 d'avrel 2018

Il patrun: Vischnaunca Disentis/Mustér, Via Cons 2, 7180 Disentis/Mustér
Il representant: Enzler Bauleitungen AG, Alexanderstrasse 16, 7000 Cuir
Object: Spazzar il baghetg e reconstruir ina garascha nova sin parcella 1749, Via Faltscharidas, 7180 Disentis/Mustér

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2018 – 2025.000

Artavels Lina Hedwig Dall'O-Kern, c/o Karin Defuns-Dall'O, Kampstrasse 2, 8952 Schlieren; sanaziun dil tetg plat e sanaziun parziala dalla fatschada encunter sid sin fundament d'in donn d'aua, parcella 773, Via Lucmagn 16, 7180 Disentis/Mustér.
Encunter quella decisiun san ins protestar a scret enteifer 20 dis dapi la publicaziun alla suprastanza communal.

Uffeci da baghegiar Disentis/Mustér

Cussegl da vischnaunca

Rapport dalla seduta dils 20-4-2018

En sia seduta dils 20 d'avrel 2018 ha il cussegl da vischnaunca sut il tgamun dad Armin Manetsch tractau pliras fatschentas. Il cussegl ei vegnius informaus en detagl sur dil project da sanaziun ed engrondaziun dil Center da sport e cultura. Gl'ei previu da suttametter ils 8 da zercladur 2018 al cussegl da vischnaunca la damonda da credit per la sanaziun dil CSC. La votaziun dil pievel duei haver liug ils 23 da settember 2018. Ina detagliada informaziun dil pievel ha liug el decuors dil meins d'uost 2018. Per la sanaziun digl existent ei previu d'impunder la summa da 6,5 milliuns francs. Quels cuosts stuess la vischnaunca sorprender diltuttafatg. Cheu dat ei neginas contribuziuns cantunales ni federalas. Per las novas purschidas ein expensas ella summa da 8,6 milliuns francs previdas. Cheu savein nus quintar cun in sustegn finanziel davart dil cantun da ca. 1,2 milliuns francs sco era cun ina contribuziun d'equivalenza entras ils cantuns che fan part al «Programm San Gottardo» da ca. frs. 690 000.—. Quellas summas da total rodund 1,9 milliuns francs vegnessen pagadas à fonds perdu. Plinavon savein nus quintar cun in credit senza tscheins ell'altezia da 3,0 milliuns francs entras la confederaziun (PSG) ch'ei da pagar anavos enteifer 20 onns. En connex cun la revisiun parziala dalla planisaziun locala ha il cussegl da vischnaunca approbau il suandont:



- Revisiun parziala dalla lescha da baghegiar (art. 15, 29a, 61a cun annexa 1,98a)
- Plan da zonas 1:2000 Pignola
- Plan general d'avertura 1:2000 Pignola
- Plan da zonas 1:1000 Acletta/Funs
- Plan general d'avertura 1:1000 Acletta/Funs

In'adattaziun tier la lescha davart habitaziuns secundaras, tenor proposta dalla suprastanza communal, pertuccont il sminuir la pusseivladad da midar stanzas da hotel en habitaziuns secundaras ha il cussegl buca susteniu. Plinavon ha il cussegl decidiu da suttametter la revisiun parziala dalla lescha da baghegiar ed ils plans da zonas tenor art. 11, al. 1 dalla lescha da baghegiar alla votaziun dil pievel.

La tractaziun dil quen e rapport da gestiun 2017 ha vicepresident Armin Berther tgamunau. Il quen 2017 siara cun in legreivel cashflow da 2,5 milliuns francs. Suenter haver fatg pliras amortisaziuns ordinarias supplementaras ell'altezia da frs. 1 572 337.49, siara il quen 2017 cun cuosts da frs. 14 975 905.53 e recavs da frs. 15 427 045.56. Il resultat dil quen da gudogn e sperdita munta aschia ad in surpli d'entradas da frs. 451 140.03. Las amortisaziuns totalas importan frs. 1 863 253.24.

Il quen d'investiziun siara cun cuosts da frs. 3 882 843.44 e recavs da frs. 1 350 345.45, pia investiziuns nettas da frs. 2 532 497.99. Las grondas investiziuns pertuccan il Center da sport e cultura cun frs. 477 875.85, il traffic (vias, illuminaziun) cun frs. 488 688.80 sco era la construcziun da canalisaziuns ed il rempar en Val Acletta cun frs. 1 199 420.69. Per saver sedar giu cun la damonda, schebein ei duei vegnir introduciu per nossa vischnaunca ina carta da tariffa per indigens «Disentis Card», ha il cussegl eligiun ina cumissiun. Suandontas cusseglieras e suandonts cussegliers fan part da quella:

- Rita Huonder-Tenner
- Edgar Durschei
- Adrian Deflorin
- Christoph Berger
- Wendelin Jacomet
- Mario Flepp
- Livio Zanetti

Davart dalla suprastanza communal fa il president communal Robert Cajacob part alla cumissiun.

Suprastanza communal

Referendum facultativ

A caschun da sia seduta dils 20 d'avrel 2018 ha il cussegl da vischnaunca approbau unanimamein il rapport da gestiun ed il quen 2017. Conform ad art. 21, lit. a dalla constituziun communal ei quella decisiun suttamessa al referendum facultativ. Il quen 2017 sco era il messadi tier quella fatschenta ein exponi per investa en casa communal (stanza nr. 10). Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastanza communal

Nossa scola populara Disentis/ Mustér – Informaziun davart il niev plan d'instrucziun P 21

Nossa scola populara Disentis/ Mustér informescha ils geniturs dallas vischnauncas Disentis/ Mustér e da Medel/Lucmagn davart il niev plan d'instrucziun P 21 e sias midadas e novaziuns che van en vigur cun entschatta dil niev onn da scola 2018/19: Mardis, ils 8 da matg 2018 allas 19.30 ella Halla Cons a Mustér Sin bien seveser e cordials salids!

Nossa scola populara Mustér



Café da sentupada/Begegnungscafé

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista organisiert. Alle sind herzlich eingeladen am Donnerstag, 3. Mai 2018, von 17–19 Uhr im Gemeindezentrum AUA VIVA in Disentis dabei zu sein.

Nossa scola populara Disentis/ Mustér – Informaziun davart il niev plan d'instrucziun P 21

Nossa scola populara Disentis/Mustér informescha ils geniturs dallas vischnauncas Disentis/ Mustér e da Medel/Lucmagn davart il niev plan d'instrucziun 21 e sias midadas e novaziuns che van en vigur cun entschatta dil niev onn da scola 2018/19:

Mardis, ils 8 da matg 2018 allas 19.30 ella Halla Cons a Mustér

Sin bien seveser e cordials salids!

Nossa scola populara Mustér

Ordentliche Kirchgemeindeversammlung der Ev.-ref. Kirchgemeinde der Cadi

Montag, 14. Mai 2018, um 19.30 Uhr im Kirchgemeindezentrum Aua Viva in Disentis Liebe Kirchgemeindeglieder, der Kirchgemeindevorstand lädt alle recht herzlich zu unserer Frühjahrsversammlung ein. Nach dem offiziellen Teil laden wir euch gerne noch zu einem kleinen Umtrunk ein!

Traktanden

1. Begrüssung
2. Wahl der Stimmezähler/innen
3. Genehmigung des Protokolls der Kirchgemeindeversammlung vom 5.11.2017
4. Jahresbericht des Pfarramtes, der Kantorin und des Vorstands
5. Jahresbericht und Rechnung der Stiftung Tür auf...
6. Jahresrechnung der Kirchgemeinde 2017, Bericht der Revisorinnen
7. Anträge
8. Infos und Varia

Anträge zuhanden der Kirchgemeindeversammlung sind schriftlich bis spätestens am 1. Mai 2018 an die Ev.-ref. Kirchgemeinde, z. Hd. der Präsidentin C. Defuns-Kohler, Via Tumvi 14, 7163 Danis zu senden.

Der Kirchgemeindevorstand:

*Corinne Defuns-Kohler, Susanne Strupler,
Hans Moeckli und Yvette Riesen*

Forum Kloster Disentis

Korpskommandant Daniel Baumgartner, Chef Kommando Ausbildung, referiert im Disentiser Klosterforum über das Thema: Der Schweizer Soldat unter Einsatz seines Lebens. Daniel Baumgartner ist verantwortlich für die Grundbereitschaft und die Ausbildung der Schweizer Armee.

Freitag, 27. April 2018, 20.30 Uhr Peter-Kaiser-Saal Herzliche Einladung

Kloster Disentis, P. Urban Affentranger



Uniun da dunnas Disentis/Mustér

Cuors grillar interactiv – Nus preparein ina spisa da treis cuors sil grill.

Meinacuors: Felix Venzin

Nua: Aua Viva, Disentis/Mustér

Cu: **sonda, ils 5 da matg 2018**, dallas 10.00 entochen ca. allas 14.00

annunzias entochen la fin avrel 2018 tier Jeannette Venzin, venzinjeannette@kns.ch ni Felix Venzin, venzinfelix@kns.ch ni per telefon sut 081 947 52 39

Kurs Interaktives Grillieren – Wir bereiten ein 3-Gang-Menü auf dem Grill zu.

Kursleiter: Felix Venzin

Ort: Aua Viva, Disentis/Mustér

Wann: Samstag, 5. Mai 2018, von 10 bis ca. 14 Uhr

Anmeldung bis Ende April 2018 bei Jeannette Venzin, venzinjeannette@kns.ch oder Felix Venzin, venzinfelix@kns.ch oder telefonisch unter 081 947 52 39

Encuretg voluntaris per l'emissiun «Donnschtig-Jass»

Ils **2 d'uoost** vegn l'emissiun «Donnschtig-Jass» emessa directamein da Mustér. La fiasta digl 1. d'uoost vegn integrada ella emissiun da SRF. Duess Mustér buca gudignar ils 26 da fenadur encunter Savognin, vegn tuttina fatg ina fiasta sil plaz da scola/halla Cons. Per che quei eveniment gartegi, duvrein nus Vies agid. Nus encurin gidonters per buffet, cuschina e service. Annunzias cun indicaziun nua che lessas luvrar prendin bugen encuter sut tel. 081 920 40 30 ni per e-mail: info@disentis-sedrun.ch Per Vies agid engraziein gia ordavon.

*Gastro Disentis/Val Medel,
Vischnaunca Disentis Mustér, Disentis Sedrun Turissem*

Buorsa da brat da Panini

Campionadi mundial da ballapei 2018 en Russia

Rimnar – Encurir – Brattar!

Ti has taccaders da Panini dubels ed auters mauncan aunc a ti? Lu eis ti endretg tier nossa buorsa da brat!

Venderdis, ils 4-5-2018, dallas 18.30–20.00

Gievgia, ils 17-5-2018, dallas 16.00–17.30

en la Biblioteca populara Disentis/Mustér e contuorn

Nus selegrein sin bia rimnaders da Panini!

Il team dalla biblioteca

Nus encurin Vus – voluntaris per l'ex18

Naven da **venderdis, ils 26 d'october entochen dumengia, ils 28 d'october 2018** ha liug per l'endischiavla gada l'exposiziun da commerci e professiun Disentis/Mustér – ex18 – el center da sport e cultura. Sper l'exposiziun vegn purschiu in program da rama variont sco era in Foodfestival cun nos gastronoms indigens. Per quei intent drov'ei Vies agid, seigi quei tier lavurs alla cassa, controlla d'entrada, service, lavurs da baghegiar/preparar eav. Nus selegrein sin Voss'annunzia sut info@ex18.ch.

Cordial engraziament gia ordavon per Vies engaschi.

Sin bien seveser all'ex18.

Comité d'organisaziun ex18